



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCXVIII. ad annum MCLXXIX.

**Parisiis, 1644**

V. Prior conceſſio abbatis, conuentu sciente & non contradicente facta,  
secundae praeiudicat, licet conuentus suu[m] exprimat consensum.

**urn:nbn:de:hbz:466:1-15588**

ANNO  
CHRISTI  
1179.

C A P. III. *Idem Cenomanensi episcopo.*

Super eo quod subiungere voluisti, si de præsentatione presbyteri, inter aliquos quæstione suborta causam contigerit alicui delegari sub hac forma, ut si constiterit ius, de quo agitur, ad alterutram partium pertinere, ad præsentationem eiusdem de persona idonea ordinet ecclesiam appellatione remota, an liceat delegato iudici, in scio diocesano episcopo, archidiacono vel archipresbytero reclamante, præsentatum sibi clericum in possessionem ecclesiæ mittere, præsertim si ignotus fuerit præsentatus, aut minus idoneus, aut si archipresbyter, aut archidiaconus, aut episcopus ad quem institutio pertinet, appellauerit, vtrum eorum appellationibus sit deferendum: hoc tuam volumus discretionem tenere, quod licet quæstionem quæ de præsentatione vertitur, appellatione remota, committamus alicui terminandam, non tamen intentionis nostræ est, diocesano episcopo, vel archidiacono, vel archipresbytero præjudicium generare. Ideoque præsentandus est illi, qui instituendus fuerit, & tenebit eorum appellatio, si videntes iuri suo detrahi, duxerint appellandum: quia non illis, sed partibus inter quas causa commissa est, appellationis remedium est sublatum.

Pars cap. Tua nos  
duxit, supra  
de ordina-  
tus.

C A P. IV. *Idem illustri regi Anglorum.*

Quanto te diuina gratia summaque prouidentia maioris gratiæ priuilegio decorauit, tanto viros religiosos maiori debes caritate diligere, & in iustitiis suis manutenere propensius & souere. Causæ patronatus ecclesiarum ita iunctæ sunt & connexæ ecclesiasticis causis, quod non nisi ecclesiastico iudicio valent diffiniri, & apud iudicem ecclesiasticum solummodo terminari.

Non sine  
ecclesiastico  
iudicio cau-  
sam patro-  
natus diffi-  
niri.

C A P. V. *Idem Norwicensi episcopo.*

Continebatur in literis a te nobis transmissis, quod cum super decima de Querche, inter magistrum Huberum, & magistrum N. de mandato nostro coram te verteretur, constiterit tibi quod M. abbatissæ sanctæ Mariæ de VVint, pro communi voto, & vñanimi consensu assensum præstante, decimam ipsam prædicto H. concessit,

Concil. Tom. 27.

Vuuu

Rad. VVinton. archidiaconus per clauem & librum sibi exinde inuestituram fecit, magister vero N. probauit coram idoneis testibus, quod præfata abbatissa præscriptam decimam sibi prius dederat, conuentu non contradicente, quam ea præfato Huberto dedisset, & quoda dicefanico episcopo eius fuerit concessio confirmata. Vnde quia nos consulere voluisti, cui concessioni innitendum sit, consultationi tuæ taliter respondemus, quod concessio prius facta, si conuentu sciente & non contradicente facta est, robur firmum debet habere. Verum si præfata abbatissa, ignorantie conuentu aut contradicente prius predicto N. decimam suam concessit, & non post multum tempus de assensu conuentus, eamdem decimam memorato Huberto dedit, sic ut tibi eam datam fuisse constet, secunda concessio debet præjudicare priori.

## C A P. VI.

*Idem canonicis fratribus & monachis in episcopatu Saren.  
ecclesiæ habentibus.*

Ex transmissa nobis insinuatione venerabilis fratris nostri Iocel. \* Saren. episcopi accepimus, quod cum in episcopatu de \* Saren. habeatis ecclesiæ, de quibus censum annuatim percipitis, earum rectoribus decedentibus, auctoritate propria easdem ecclesiæ occupatis, aut etiam clericos in eis ponitis. *Et infra:* Infra duos menses postquam ecclesiæ prædictæ vacauerint, ad eas memorato episcopo, omni occasione & appellatione remota, idoneas personas præsentetis, vt per ipsum curam animarum recipient. *Et infra:* Illud quoque nihilo minus prohibemus, ne censum vestrum in prædictis ecclesiæ sine prædicti episcopi assensu augeatis, sed in eis constituto antiquo censu sitis contenti.

C A P. VII. *Idem Eboracensi archiepiscopo.*

Relatum est auribus nostris, quod quidam clerici in beneficiis ecclesiasticis centum vel ducentarum marcarum reditus possidentes, & proponentes primas vacantes ecclesiæ a monachis vel canonicis aut aliis ius patronatus habentibus sibi fuisse promissas, ne in illis cum vacant, instituantur alii, appellationem emittunt, vt interim